

COR. *Petala* quinque, calyce duplo majora, linearum duarum diametro, subrotunda, obtusa.

STAM. 6-8, parva basi connata, apice divisa, patentia. *Antheræ* subrotundæ.

PIST. *Germen* subrotundum, obtusum. *Stylus* unus, quadrifidus. *Stigmata* capitata.

PER. *Capsula* tribus vel quatuor angulis, vel quadrilobata. **SEM.** solitaria.

Corolla lutea, parva. Fructus multi abortiunt: an Napæa? *potius Melocbia.*

97. CLITORIA.

98. ERICA (*forte Eruca legendum.*)

99. HEMIONITIS fol. palmatis.

100. GRAMEN floribus axillaribus, foliis ovatis.

Radices plures fibrosæ, perennes.

Culmi aggregati, plures, patulo-dispersi, subprocumbentes, stricti, palmares, tenues, simplices, septem vel octo ex geniculis.

Folia alterna, præcipue versus supremum culmorum distiche patula, ovato-acuta (basi lata obtusissima) sessilia, sesquiuncialia, basi semiuuncialia, lata, margine retrorsum asperiuscula, nervosa, striatula. *Vagina* foliorum circiter longitudine, filiformis, dorso carinata marginibus alternis obvolutis, *membranula* vix ulla: *Petiolus* longitudine dimidiæ lineæ, planiusculus, linearis, superne leviter pubescens.

Flores axillares, duobus l. tribus pedicellis propriis vaginæ longitudine inserti. *Pedicelli* capillares, singuli vagina propria membranacea sui ipsius longitudine involuti biflori. *Flosculo inferiore* Masculo subestili; *superiore* pedicellato Femineo.

CAL. masc. *gluma* bivalvis: valvulis lineari-lanceolatis, convexis, membranaceis, altera interiore angustiore, duarum linearum longitudine; patentibus, persistentibus.

STAM. *Filamenta* tria, glumis paulo breviora, capillaria. *Antheræ* lineares.

CAL. Femîn. *Gluma* bivalvis, foliis lanceolato-acutis, convexis, basi striato-rugosis, erectis, apice subulatis; exterioriore trium circ. linearum longitudine.